

C40
4514
168



了翁云：願水殿及有
家書屋，蓋州紫雲山
我做笑境，院庭中永
為學者不敢許出院內
當山二世鑄牛機謹誌



B 64853

c40-4514

佛本行經卷第五

宋涼州沙門釋寶雲譯

昇初利宮為母說法品第二十一

皆効受其報	充飽世間人	下解脫種者
戒品水清涼	佛功德猶日	正法喻光明
及天林樹華	生於天泉池	母妙寶芙蓉
日光晝照空	欲令時開敷	故佛昇初利
若干嚴飾好	月焰曜於夜	佛照天世間
以世敬日意	日天子生念	謂日王來至
	稽首禮佛足	月天子懷疑

經
佛本行經卷第五

盛明所見捨 月之光榮好 歸入人慧月
寂滅過梵天 照曜踰天帝 深邃勝淵海
不動安須彌 天帝雜寶樹 號名彩晝度
光明坐其下 寶樹蔭金山 見母大妙后
種福果於熟 或有方應種 或復應放者
以佛清淨德 面曜如明珠 見者心清淨
猶如清水寶 爾時佛世尊 以清和梵音
甘露法藥雨 於慈母妙后 墜墮離別苦
生天有尸忠 貪求積聚死 是爲世間苦
地獄燒炙煮 餓鬼渴乾焦 畜生相吞噉

五情苦無安 在所受身處 衆苦輒追隨
欲離衆苦惱 惟有滅無爲 當覺三界苦
猶若瘡破毒 甚於燒鐵箸 無可解瘡處
世間苦如是 覺苦起之緣 覺甚苦滅處
覺所以滅苦 覺五盛陰苦 覺勞所因興
塵勞所滅處 是滅名無爲 所以滅道者
名曰八聖賢 諸塵勞之毒 都燒令無餘
生死甚可畏 進退不可怙 如伎兒木面
脫一復著一 或飲天甘露 退復飲鎔銅
或食天甘露 退噉燒鐵丸 或復來天家

或曳然鐵車 或王或乞兒 餓鬼轉畜生
宿對手所指 跳迸如拍毬 上下徧三界
從有至無擇 聞說是法已 母天帝妃后
八十八勞結 心垢永滅盡 意止深妙法
又令三垢薄 燒諸強塵勞 妙后證三道
大會無央數 諸天人芙蓉 同時俱開敷
如華蒙日光 於是妙后起 更新懷歡喜
猶如日臨山 光耀益盛明 亦愛敬於佛
禮足以啓言 古來母未曾 得子此重貢
無數劫食地 心未曾厭足 天欲不已滿

莫若今充盈 自足令我足 除著無所著
一切智悟我 無種斷我種 時無數諸天
聞微妙大法 卽植善德種 鮮潔佛之種
憶先品第二十二

於是天中天 諸天世人師 在於大王境
摩竭之國土 遊止竹林園 思憶往古世
光明益顯好 猶如盛火祠 佛弟性慈仁
厥名曰阿難 見佛光明盛 卽行詣佛所
叉手下右膝 敬意白佛言 惟願天中天
決心之所疑 未曾見光明 如今之暉耀

惟願一切智	說光明因緣	於是佛告以
微妙八種聲	諦聽吾今說	光明之因緣
吾自憶前世	施無數眾生	供養千數佛
種種所須給	學無數聖典	盛祠祀無數
難可施與者	大施與無憾	憶念往古時
大象如白山	勢力勝隣敵	吾以用惠施
以心所愛重	二子用施人	毛孔皆血出
吾時名甚愛	象馬車乘女	種種用惠施
施八萬四千	金角黃犍牛	金器盛銀粟
滿其所受量	吾名曰知時	大施十二年

弊惡婆羅門	來從吾索頭	時諸天若干
欲固遮梵志	吾歸曉諸天	莫違本所願
時王名月光	今充吾所僥	復有婆羅門
來從吾索眼	不逆尋許與	體所愛之目
為王名善目	因是發大願	今以目施因
願後成慧明	又復更異特	鴿飛來趣我
為鷹所逆逐	飛住吾膝上	吾盡割體肉
恣以足鷹意	不以來歸鴿	與鷹使為食
吾以病人故	割已體上肉	食肉三七日
其重病得瘳	又為普施主	名為大力士

昔除衆生病	今滅其塵勞	又吾前世時
以身惠施人	別賣可愛子	又別賣吾妻
賣吾與惡人	勅吾令殺害	吾時名焰月
不殺没已命	吾剥皮以施	纏氎爲燈炷
同時然燈炷	舉身焰皆熾	主名堅金剛
其耐痛無比	以是求一願	與之以成佛
以身與虎狼	地六返震動	因此勇猛意
超度過九劫	曾以一善施	主地盡四海
前爲轉輪王	號名曰大天	始建王風教
率以十善行	棄捨四方域	剃頭修淨行

又爲普地主	號名曰尊帝	於是地上立
八萬四干城	時爲此諸城	部別境界已
八萬四干王	俱出剃頭學	曾爲王多牙
貪欲狂迷惑	越度大海表	求土地人民
吾時爲梵志	大智名上度	將順教是王
還其正志思	曾爲白象王	如日甚殊好
六牙甚可愛	弈弈有光明	獵師貪牙故
箭射中其心	便自拔牙與	心不起恚亂
淨施王遊獵	因至深山中	閉羣鹿二王
置於深谷廐	以一妊母鹿	鹿王代就死

使普境野畜 無復恐患憂 有國忽父母
害殺長老者 吾遵奉孝養 地穴濟父母
天空中問義 父教吾決答 斷眾生倒見
濟令不墮獄 大蟒閉賈容 圍繞置中央
吾時緣宿行 生爲師子王 發象爲力勢
踏蟒卽令死 濟五百客命 安隱得歸家
佛爾時說此 生經五百章 三千大千界
普六返震動 有億衆生類 皆發大道意
又有億衆生 各證以四道 上世賢智士
不可稱奇異 菩薩發勇猛 施捨其軀命

從乞求者意 終無所違逆 功德得自在
萬物及軀命 叢殘短壽命 是乃可爲奇
塵勞所纏裹 懷惡盛迷惑 能以慈悲力
鈎還其惡心 能捨所愛重 財寶及軀命
衆生有豪尊 世得自在者 應爲惡之時
自制而不爲 晝夜行衆善 以休息其意
緣是自勸進 志願存佛道
遊維耶離品第二十三
世智一切敏 所願無不成 慈哀加衆生
如人有一子 猶如轉輪王 施教靡不從

患厭世五欲 欲入法慧窟 世尊亦如是
開建爲佛事 勤勞行廣化 事無不究竟
墮生死惡世 順現其起滅 欲入大無爲
滅惡寂然定 時維耶離城 吸人精魄鬼
入城與疫癘 逼迫相燒害 爾時維耶離
疫盛如熾然 國諸王大臣 集會博論議
癘氣之大火 燒然國萬民 各共精意思
何方除此殃 長者名財明 第一清信口
觀世更無誰 惟佛可恃怙 因遣清信士
財明以爲使 長者清信士 都共叉手向

盡五體投地 共遙白佛言 普救護世間
願濟我國厄 如凍者求火 猶重病請藥
若冥願明曉 失路者曉導 我等求世尊
欲觀天人樂 使往至佛所 佛卽許受請
合捨家覺知 天人思擾動 天於上空中
告王未生怨 如何安無憂 今當與佛離
王聞天教告 心卽悚然驚 意懷愁悴曰
衆生心闇鈍 誰能詣慧礪 精礪其鈍心
塵勞之憊咎 宿對之重債 衆生重債咎
誰當濟令輕 我等久見閉 在生死牢獄

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

佛本行經卷五

誰當以清鑰	開吾等獄門	吾等久暴露
渴愛之日陽	誰當施正法	月精解渴珠
王因勅令嚴	輕馳往見佛	因請佛明日
願屈就宮食	勅厨令嚴具	盛饌百味飯
佛許於宮中	受王一月請	平治七階路
乃至流江恒	廣路施帳幔	嚴飾猶天宮
雜色眾華香	散以徧布地	人集如水長
盈溢譬如海	明珠以校飾	色白如盛月
王之服乘蓋	敬意施奉佛	時佛未久頃
卽到恒水側	王更進上佛	五百七寶蓋

人王上五百	諸龍王貢千	天王獻五百
維耶離五百	為世大覆護	應受寶蓋施
盡受諸寶蓋	餘惟置其一	爾時天中天
與諸弟子眾	二千五百人	便渡流江恒
維耶離諸王	盡心愛敬佛	供給所當得
以次來到國	佛便卽時入	維耶離大城
以八妙深重	梵清淨音聲	佛卽說一偈
諸有眾生類	地行乘空者	宜慈愛眾生
以清淨慈水	普灑於大地	熱渴所逼狂
得水飽滿涼	從佛之慶雲	放甘輒言雨

經

佛本行經卷五

八

七

經
佛行經卷五
舉城充飽滿 除重毒害患 佛於是即還
出到城門外 佛與諸沙門 繞城而徐行
施護現吉祥 咒願普永康 舉國蒙覆護
快樂不可量 時長者財明 請佛及弟子
飲食香甘饌 種種盡愛敬 時佛廣班宣
深要之正法 師子音以下 四千人得道
佛與弟子眾 乃至柰女林 柰女聞之已
馳出往見佛 到門卽下車 瓔珞如電雲
始入園林樹 狀似吉祥天 行步趣庠序
如水隨渠流 頰容如春陽 芙蓉華之叢

將諸天人女 服飾之姿貌 行於林樹間
或動天地眼 佛世尊視見 魔王之羅網
目觀其美色 壞人戒律行 佛以妙梵音
告諸沙門者 柰女今來至 卿等攝捨意
各建志手執 精進之強弓 以正直之矢
善承智慧弦 皆被定意鎧 乘自守戒車
各儲慈觀意 入眼色戰陣 卿等皆諦計
女人何可是 假借相欺惑 如銀鐵金塗
皮薄如蠅翅 若不以覆上 此但是肉積
當作是計知 涕唾眼中眵 若不拭却者

及與身上垢	若不以水洗	膿血及糞除
聚會於一處	熟思視是者	欲意滅不生
卿等自計觀	是骨舍可惡	以筋纏束縛
外則以肉塗	衣裳服飾覆	如師畫覆壁
但作是自觀	莫隨彼欺惑	堅慎護心意
後可有所益	初不調伏心	後則不可御
邪行失正路	迷惑回周旋	猶如官磨馬
意以繞磨走	眼喜視色者	心則隨目惑
諦觀其表裏	愚染慧離著	時佛以是教
誠諸幼弟子	卽共目揄攝	一心視佛面

柰女遙見佛	光相明嚴好	巍巍林樹間
如日雲中出	慈敬意侍佛	微妙心清淨
猶如樹華繁	風吹令傾屈	如是禮佛足
叉手心恭敬	却就其坐位	佛便告之曰
女情貪放逸	卿善心詣吾	信樂正真法
是利甚難遇	男子信樂法	是不可為奇
男雖意染重	塵勞猶差薄	女人常回旋
於諸塵勞愛	意局心輕躁	專著六所欲
汝心存於道	是最可貴奇	一切世無常
無吾我可恃	疾病侵安隱	老毀頰色貌

劫奪人壽命 樂法無患難 女人多貪嫉
不喜怨憎會 女人心戀著 不樂與愛別
凡受女人形 必有是二惱 以是義之故
汝當勤奉法 柰女性軟弱 心甚懷慚愧
正法所勸進 勉宜起恭敬 便叉手長跪
前曰世尊言 願佛垂慈愍 明旦受我請
時佛覺其心 甚清淨歡喜 默然受其請
女便辭欲退 因五體投地 稽首禮佛足
厭惡女人形 懷慚且還歸 時佛許柰女
受請去之後 維耶離貴賤 皆來至佛所

白馬白車蓋 衣服皆素帛 諸容飾皆白
威儀甚可觀 青黃赤黑色 種種各部別
嚴飾來詣佛 猶切利天人 是輩亦請佛
佛言已受請 佛許柰女請 是輩皆懷恨
時佛爲是等 廣說微妙法 甘露無損滅
滅除諸苦患 粗略爲現說 四諦之要法
無數諸離捷 皆服甘露藥 佛當于爾時
化無數離捷 告辭等已下 心皆逮正法
猶如化猛武 還返地獄苦 及無數衆生
皆下生天種

歎錠光佛時品第二十四

宿世植百福 千巖峻無極 智慧之川谷
甚深難可測 衆口言辭風 不能令傾動
坐定如太山 然無能轉移 猶如青黑雲
晃昱震電光 雜寶衆華蓋 在上空中旋
時阿難見此 未曾有瑞應 懷踊躍喜心

長跪白佛言

種種天華 甚微妙好 如有心意 求供養佛
猶如林樹 遇羣野馬 如雪山中 衆華香樹
面如千葉 蓮華之色 世俗之水 不能汙者

甚難見佛 如優鉢華 惟願班宣 華瑞應故
佛以微妙 深重淨音 梵聲覺悟 充飽衆生
遍開三千 大千世界 以慈悅意 告阿難言
乃往過去 無央數劫 無量善德 莊嚴相好
猶如炬耀 消除晦昧 以正法明 除愚癡冥
往昔有佛 號名錠光 三千世界 衆聖之師
一切智慧 猶若大海 心如虛空 無所罣礙
六度根株 甚深牢固 十力之莖 甚大堅強
四無所畏 之四爪歧 三十有二 相好枝條
三達普智 微妙芽節 八十種好 柔輒妙葉

慈悲蔭覆 甚令清涼 覺意之華 禁戒德香

所說華開 現四諦臺 四種道證 果甚香美

天人樂法 猶如蜂聚 應服佛樹 華味之精

其聞華香 食樹果者 以解脫味 飽滿充盈

乃前世時 願求佛事 勤行不懈 現其報應

尋得法藥 甘露蜜漿 充飽一切 久遠飢虛

發願欲求 大悲之意 因是欲入 華嚴大城

初舉其足 蹈門闔時 地神於是 肅肅而擔

三千大千 佛之世界 踊躍六返 而大震動

雨華覆地 諸天塞空 天樂於上 如雲雷聲

天女空中 鼓樂弦歌 歎佛累劫 相好功德

鳥獸歡喜 相和悲鳴 器皿相振 成歌頌聲

佛與弟子 威儀庠序 猶如月滿 與眾星俱

百福德相 晏然如晝 微妙相輪 千輻理成

以足蹈地 跡如印章 千輻相輪 微妙而明

調御六情馬 駕乘六度車 施戒之輦輦

慈廂喜護屋 定意以調御 八正之大幢

寂滅智慧輪 四等大慈蓋 一切智首冠

覺意之瓔珞 大悲甚速疾 都邑示無為

班宣微妙法 以調和眾生 行道庠雅好

千日同時出 日初顯山崗 池華芙蓉開

錠光佛時亦 悟眾生心華 爾時佛心念

眾生無徹視 化成爲琉璃 令眾生通見

一切遙覩佛 各各如相鏡 人雲集填路

動國震四海 時有梵志子 敏達執智通

族貴性高明 厥號曰善思 始聞說佛名

喜踊衣毛豎 普如鈞所制 離俗向道場

累劫積功德 善本使迎至 一切智明悟

如華觀朝陽 時逢見大光 如春日出雲

金剛帝聖種 視之無厭足 見佛喜踊躍

德力逮清淨 自思遭佛世 以何供養尊

時見一女子 挾持香水瓶 中有七青蓮

如慧七覺具 以其宿福應 瓶化成琉璃

見華喜叉手 詣女以誠問 惟觀福德山

奇異珍寶器 猶爲普眾生 苦厄度歸趣

敬慢二俱除 願我莫空返 昔世所供養

令我亦宜供 惟妹與我華 欲以奉上佛

價從意不違 曼佛今未至 惟妹助爲福

發淨意白佛 佛如隨意珠 種願從意生

時賣七華女 含笑而答曰 是華價甚貴

佛行錄卷五
佛
龍八

仁者安能買 答言從汝價 曰華枝直百

但時與我華 價數從汝意 因左顧視曰

挾慙而答曰 我亦欲以華 貢上供養佛

謙遜辭答曰 汝自作華價 佛不受虛養

汝誠不為欺 女答當與華 當許為我夫

答言女態惡 違願求道心 女叉手答曰

終不違仁心 今便當誓願 妾施不敢逆

即取其價 與華五莖 別託二枝 以結誓願

爾時菩薩 得華七枝 即便建立 決定上願

如今天尊 救護世間 願我後世 得道如佛

發重願已 即便散華 在上空中 化成華蓋

佛之暉曜 晃昱如日 青蓮華蓋 如慶雲起

佛適遊進 蓋亦隨之 佛明如日 蓋如紺雲

菩薩見變 歡喜踴躍 五體投地 自歸佛足

即時解髮 前以布地 佛以慈心 而以足蹈

足相照明 如紅芙蓉 在其髮上 足髮俱明

如紅蓮華 累青蓮上 佛慈愍故 停足髮上

佛以聖達 一切敏意 覺知菩薩 心勇猛力

即時欣笑 五色光明 曜從口出 若干綵色

時佛侍者 長跪叉手 前白佛言 諸佛無緣

終六 佛何故欣 惟願世尊 班宣笑意
佛以尊重 海雷震聲 清淨梵音 而告之曰
如我於世 興出作佛 普慈覆世 濟衆生苦
汝亦當成 世間將導 當於熾盛 塵勞苦世
百年壽時 釋種族中 當成佛道 號名能儒
受決言已 歡喜無量 得歡喜力 踊昇虛空
心勇身輕 昇降如波 猶月盛明 大海波起
虛空尙可 有形墮地 地或可上 昇住空中
四大或能 捨其本性 佛之決言 終無改異
世尊面貌 如月盛滿 口演光明 清涼言辭

過滅世間 焦然盛熱 猶如夏時 十五日月
異學典籍 內虛外欺 愚冥誑惑 一切世間
佛說明法 清淨太平 入泥洹城 猶如歸家
以其種種 歎譽妙華 奉散歎譽 已身蒙歎
天妙意華 粟末金銀 以散佛上 徧布覆地
未墮地者 化成華蓋 當在佛上 進退隨行
猶如日輝 雙日俱明 青蓮在上 如紺雲起
從空中下 懷喜更新 重復自投 歸命於佛
其髮皆在 世尊足下 自然而散 徧布其地
卿等憶此 豈異人乎 時善思者 則吾是也

緣是人故	散華奉佛	今成爲佛	一切世師
夫行善者	華蓋覆吾	發吾意思	令憶宿行
爾時各共	福報如是	終不敗亡	常諦知之
是等皆於	分取吾髮	諍競接取	人得少許
時得髮者	佛前得度	入於泥洹	寂無爲滅
皆成羅漢	餘有四十	隨提國人	持戒沙門
如過去佛	大通備具	建立第一	微妙善法
如其喜勇	號名錠光	充滿梵志	善思所願
衆生聞已	上昇虛空	時佛重賜	與大智慧
	皆當篤信	方便求索	施衆善德

布施持戒 智慧勤修 彌勒出世 顯其福報
降象品第二十五

爾時世尊	遊王舍城	行福衆生	地爲大動
諸佛瑞應	奇異感變	欲入城時	皆爲顯現
爾時調達	懷毒害心	覺佛入城	瑞應悉現
齋嫉速詣	王阿闍世	爲詐誘進	敎使逆惡
汝篡父位	我當殺佛	俱共照照	猶如日月
飲王以偽辭	飲象以醇酒	象得酒醉狂	
鳴吼而雷震	卽時放醉象	奔馳來向佛	
譬之暴冥風	來欲滅佛燈	猶如劫盡風	

欲壞滅世間	健如金翅鳥	怒如閻羅王
佛心堅不顧	不為象動搖	猶如摩羅王
不為海風動	突來至佛前	即到屈足禮
攝伏心著地	喻塵遇暴雨	如從赤雲中
日光晃然明	昱昱譬流星	墮於黑山頂
從袈裟雲中	放右臂光明	暉曜照大象
如日加黑山	德相手觸象	象即時醒悟
猶如巨明現	晦冥退却縮	象霍然醒悟
意即得安足	猶如神仙咒	觸虺毒即除
象即時屈伏	自歸佛足下	佛時顯光明

如日出山崗	時調化醉象	教令種善本
化應度者已	即到精舍	於時其城中
有一貴姓子	年幼性柔輒	聰聽志敏達
篤信行眾善	愛敬戒律法	尊重師事佛
厥名曰高度	調達往詣之	誘以眾言辭
悉受吾言教	必當厚相待	顯以高爵位
增益其榮祿	若能從吾者	卒後當為王
時賢士高度	聞調達邪辭	即以正法言
答於調達曰	諦聽吾所言	歎所事師德
即時旋其身	向佛所在方	跪右膝著地

又手心謙敬 傾屈頭面禮 高度便歎言
已度於無極 衆苦之海淵 十力已得度
濟衆生無倦 晝夜不休息 導衆立善本
吾所歸事師 號曰佛世尊 吾不事餘師
餘無所歸恃 故不相受言 汝當諦知是
時弊惡調達 心甚懷恚怒 按手索其掌
鎮頭而還去 諂媚辭向王 讒違於高度
王勅其侍臣 懷害凶猛者 授其寶瓔珞
價直數千金 卿當獨密竊 以此寶瓔珞
擲高度舍中 慎莫令人知 其臣卽夜往

順從王教勅 其家人早起 得此寶瓔珞
卽持與大家 得之甚喜悅 遣人逐夫還
以寶瓔示之 高度見寶瓔 甚怖而長歎
卽以酸楚辭 而告其妻曰 得無是懷毒
施惡加人者 調達設方便 欲壞滅吾耶
昨夜以寶瓔 擲吾舍中乎 其坐悶心頃
官司至其門 卽以此寶瓔 掛著高度頸
卽時啓王言 珠從高度出 王令勅諸臣
推之以舊法 尅吏懷惡害 猶太山使者
眼赤持兵杖 狀如地獄卒 皆著黑皂衣

以血塗其手 爲著赤屯頭 當詣行刑所
擊鼓如雷音 吹貝鳴震動 以鈴繫其髻
驢馱而出城 到卽賜其食 飲以垂死漿
時調達遣人 告其家居曰 但來自歸吾
當濟令得活 親族圍遶之 舉聲而號哭
聲馳聞如遠 令行高度刑 無央數人集
響響動其城 遊一切智庭 止宿於大慈
履行於大悲 晝夜行推求 迷惑五道中
失路川谷者 如牛愛其子 欲濟活孤犢
時佛告阿難 卿往行入城 徧諸巷告令

大聲說是偈 今日是高度 出家獄牢繫
當爲最沙門 服甘露藥漿 時彼有梵志
聞阿難所令 還語其黨類 是何故妄言
梵志中達者 應聲答之曰 火可變爲水
甘露可爲毒 四大或復可 捨其本性體
佛之言教令 終無有改異 於是高度子
冲幼可憐愍 攀緣其父頭 號哭不可止
惟父甚憐愍 願自歸虎狼 衆生所貴重
惟人命難得 若令官見殺 以代慈父刑
莫當行自歸 趣弊惡調達 時高度強志

而告其子曰 願捨已體命 終不能離佛
其婦奔走來 放髮悲呼哭 泣血而交流
下露胸衣裳 種種歎楚曰 慈仁之夫主
澡手體相受 如何中離別 往與有言要
終不相捨離 今漸現爲惡 猶如行路子
如何不顧愍 妾惟有一子 願當顧賤妾
憐傷孤獨子 可外佯自歸 向調達濟命
內情勤至心 竊佛尊爲師 高度久乃言
而答其妻曰 且聽今當說 吾心之決定
三千大千界 最尊可恃怙 吾已自歸佛

何故惜身死 吾已自歸佛 衆寶須彌山
何能歸下劣 倚著穢糞積 吾已自歸佛
戴仰日光明 如何當反捨 歸趣螢火蟲
吾已自歸佛 金翅鳥之王 如何當捨行
歸趣烏鳥子 吾本誓發願 欲飲大海水
今此牛跡中 何能解吾渴 吾今自歸佛
諸法德相好 如何當行詣 小劣惡行者
妻答其夫曰 且當護濟命 調達與汝現
可追惟舊好 卽答其妻曰 寧遭諸惡害
劔毒蛇蟒虺 怨火相燒然 是可設方便

智慧良藥除 終不當附近 惡友懷穢垢
惡友相汙染 壞人善本意 佛敎使莫從
牽至無擇獄 遂持高度至 林樹丘墓間
卽發慈悲心 佛慙懃禁戒 獄卒便拔劍
欲行高度刑 利劍不能傷 賢士高度體
卽還告王曰 利劍不能傷 賢士高度體
便勅行何刑 調達附議曰 可生貫以杖
纏之以生革 豎之於路側 如敎便貫之
一心存念佛 佛如金翅鳥 飛到丘墓間
佛以八種聲 而告高度曰 吾今得濟卿

如是毒苦厄 諸佛之慈哀 清淨甘露法
次第爲高度 班宣四聖諦 高度尋卽成
暢至羅漢道 卽時以六通 身輕昇虛空
當阿闍世前 在上虛空中 種種現神變
大衆莫不見 爲王說妙法 令王覺識之
我身是高度 王宜悔所爲 王聞其所說
心悶迷躡地 左右以水灑 良久乃甦起
都不當畏懼 恐敵熾盛火 亦莫畏鬼魅
及弊惡毒龍 心如利劍戟 口辭甜如蜜
言與事相返 當慎是惡友 調達外貌親

正是吾惡怨 現如正法幢 導吾入惡道
自燒使無餘 以虛等燒吾 咄苦何甚劇
遭遇惡友者 吾與之爲友 退父逆篡位
飲象令醉惑 放使突向佛 教吾懷惡逆
以山石礎佛 從是惡友教 背違佛聖師
王卽慘然起 投高度足下 願捨除重咎
因倚惡知友 我自今已往 當爲佛弟子
以佛爲師父 遠離惡知識 佛以神通力
調伏狂醉象 化令人正路 種植善根栽
如救賢高度 木槍苦毒患 服甘露良藥

衆苦毒盡除 其聞是奉持 至心得向佛
奉行善因緣 都令諸苦滅

魔勸捨壽品第二十六

如日初出 顯于山崗 奮大光明 消滅厚冥
佛天中天 正法暉明 班宣言辭 淨無垢光
心懷愚癡冥 如幽深谿谷 日以大光明
推盡杳冥源 如清明無雲 日光靡不照
佛所至教化 莫不蒙濟度 猶如大金山
大祠祀盛火 如魚怨盛陽 竭盡塵勞水
欲界塵勞王 厥號名弊魔 率來至佛所

便說是言辭 惟佛往昔坐 尼連禪水邊
 我爾時啓曰 衆言最先首 諸可所作爲
 其事已成辦 諸所可覺悟 已達無有餘
 所願具充滿 今可捨壽命 于時還答我
 決定言教曰 吾今且未有 四部大弟子
 又復未有暢 解達智慧眼 建立顯佛事
 大尊重所處 非少許方便 倉卒可及逮
 不明之晦冥 未蒙光明照 日出未經天
 不可便還沒 大海陂池水 龍阿須倫藏
 若人以裸身 欲渡大海者 若欲以蚊翼

覆蔽十方空 或如小蟻蟲 欲與師子戰
 若復欲發意 一舉能飲盡 無量大陂池
 竭令無有餘 若欲以口氣 吹須彌寶山
 令各分迸散 悉成爲埃塵 陂池之海水
 須彌寶大山 師子海虛空 是事尚可爲
 佛功德之池 須彌海虛空 十方天人
 無能度量者 以故吾爾時 語卿魔如是
 今非是勸吾 滅度決言時 如今便可陳
 卿之所志願 當隨其所啓 魔便白佛言
 世尊諸弟子 今皆調賢良 守禁戒精進

皎明成羅漢 身在地住立 以手捫日月
變現身令大 至大無結天 從大生死中
劫奪我衆生 出吾部界入 無爲如還家
世尊一切智 所作無不辦 名聞如大海
十方普充滿 世尊無比聖 以佛十種力
坐於道樹下 被牢強忍鎧 以聖手執持
大慈之強弓 放引智慧發 捷疾之利矢
我與十八億 諸魔王衆軍 適放一慧發
敗我大軍衆 猶往吉烈士 獨與大軍戰
適放一利發 勝繫脊大軍 憎愛二天垢

俱滅令無餘 伏心之醉象 令得永調良
以正法大蓋 覆諸應度者 令一切衆生
得避塵勞電 裂壞貪饕口 杜塞無厭心
顛倒躁擾性 如撲阿須倫 以最上第一
堅牢智慧犁 耕諸曠大地 反其愚癡源
以大正眞法 晝度微妙樹 下之於世間
華香飽衆生 降現在有中 廣大生死海
以空無意身 鳴大正法珂 在於欲界中
愛於繫閉者 生死之堡聚 甚勞強難勝
世尊如力士 澡脫皆令出 得住於無漏

珍寶之臺渚 世尊寢臥於 智慧之大池
齋中生微妙 正法之芙蓉 其香甜無比
感動天人心 來集受訓誨 如蜂食萃精
以師子形相 佛之猛利士 願履強難伏
塵勞阿須倫 已滅盡世間 生死之力士
普勝於三界 世尊最第一 或有以世間
生長乳哺力 或有以巧偽 神變現化力
於諸天世人 得勝最第一 以已之善行
獨劇著世上 今正是世間 放捨壽命者
時佛聞魔王 種種之勸辭 佛時天中天

梵音告魔王 令魔當懷喜 必無復憂患
今却後不久 三月當捨壽 可捨心懷熱
卿魔願已備 聞佛說是誓 魔王甚歡喜
卽時於佛前 忽滅還不現 於時世尊卽
定意斯須頃 意了智慧俱 尋還解散意
放捨前神通 無限安長壽 聖以神足力
更存壽三月 世尊已放捨 無限安長壽
地祇卽驚怖 六返大震動 四方皆雨墮
霹靂大炬火 猶如劫盡時 須彌雨炬火
霹靂連續墮 普周徧空中 猶如劫盡時

大地火乾燒 時佛天中天 卽說是偈言
猶如破車轂 強載曳此身 於時阿難見
是恐惡變怪 心懷疑戰動 詣佛問其緣
時佛告阿難 吾已捨長壽 是故地大動
現是惡徵應 時阿難聞佛 如是之言教
卽自投於地 如梅檀樹崩 舉身衆毛孔
沸血皆迸出 心中懷哀感 泣血流於面
一則尊敬師 二則兄弟愛 重愛情未解
悲痛迷荒心 懷愛熱視佛 久頃乃發言
辛酸楚毒苦 悲哀戀慕辭 嗚呼何甚惡

無常甚速疾 佛之光明燈 忽然便欲滅
猶如寒時火 盛旱熱時雨 疲得垂白蓋
莫不蒙其賴 衆生甚可憐 當迷惑失路
於大生死中 無邊曠野田 示人以善道
審諦識正路 三界之導師 捨世何速疾
覩普世衆生 愛熱所焦燒 周旋疲長塗
早渴甚久遠 甘池以解水 其味甚清美
最上清涼池 忽然欲枯竭 去來今現在
三世無不達 心入微妙法 智慧之面目
照三千世界 猶視淨明鏡 世眼忽滅盲

01
02
03
04
05
06
07
08
09
10
11
12
13
14
15
16
17
18
19
20
21
22
23
24
25
26
27
28
29
30

一何痛之甚 衆生立篤信 根芽甫生者
如有欲漸長 又已成就者 如是之等類
渴仰佛雲雨 此諸垂成苗 忽當旱焦然
世尊四十種 智慧之火光 一切智大錠
普曜三千世 照現大光明 一切衆生眼
衆生何可傷 當還投邪冥 覺慧之淵海
廣長甚深遠 佛獨能先度 顧愍傷衆生
今當捨世間 我等何恃怙 猶如慈父母
遠子曠長塗 普愛於衆生 慈乳甚盛滿
正法之乳湏 甘美大豐盈 世尊之大慈

猶初生犢母 今捨犢令孤 我等將旱枯
久迷惑失道 於五幽谿谷 衆生應度者
猶如孤犢子 世尊徧推求 如慈母慕兒
今誰當推索 我等何傷酷 是愁忽然遇
後斷續復來 日夜相推逐 周旋如轉輪
晝夜如兩手 方便無休息 掬非常命水
飲之無厭足 我今甚迷荒 無所覺識知
心是金剛聚 能忍不壞碎 每遣侍世尊
猶如影隨形 形忽然欲滅 影當何所依
今我當捨離 遠佛天中天 如身離壽命

不復可自名 無常之宿對 何不追逐我
壽已捨其身 何可立須臾 尊於大眾會
曾有說是言 其有證道諦 四神足具者
能住壽至劫 或復能過踰 佛之道神力
自在暢無礙 惟佛世所估 今願且住壽
愍傷衆生故 幸住壽劫餘 願尊垂大慈
憐傷於衆生 住壽令延長 未度者甚多
於時佛世尊 見阿難如是 愁毒甚憔悴
因垂撫慰恤 佛世尊大慈 告以加愛言
汝諦觀自然 世動歸滅盡 一切世間事

終不可不然 其有成立者 不得不壞墮
諸有成立事 若當終始者 終無有發意
求處泥洹城 吾前爲卿等 具班宣法教
爲師之誠事 無有餘遺隱 吾身若留住
及度世之後 卿等勤奉法 用吾色身爲
但當力精進 盡形奉禁戒 方便求覺慧
急如救頭然 道品所修行 凡有三十七
速當設方便 令心覺解脫 諸善之根源
皆當由之生 以滅定羈絆 繫絆心醉象
以智慧鋼鈎 制御令回還 以正諦計觀

縛令不越逸 滅心令靜定 智慧慈敬眼
卿等必以是 諦觀吾法身 其有諦見吾
正法之身者 吾現在去世 常見我不離
吾今爲汝等 乃至當來世 願變苦毒樹
令成甘露果 先當勤服食 覺意華之精
成四道果證 續飽滿世間 俗外學賢聖
皆不逮覺了 厚雲及上體 潔持與愛生
我潔安庠天 力慮及天帝 是皆不達道
吾令汝等覺 無能尋端底 得知出要者
外師所止息 因迷惑還墮 惟有佛世尊

無礙最慧器 以是於有中 壞盡塵勞源
猶如良賢士 有八種藥方 吾已各分別
衆藥之種稷 其貪婬多者 惡露觀爲藥
瞋恚用慈除 愚癡以慧滅 如向者阿難
汝之所陳啓 願佛住劫壽 或長踰於劫
是觀過去佛 隨俗宿對行 不盡世上壽
五分壽捨一 吾何爲久與 此蛇虺篋俱
強曳無返復 仇怨對已盡 濕傾危朽舍
蛇虺甚可畏 阿難不當速 捨此身逃耶
汝從水求火 從鐵中索金 從芙蓉華莖

欲得金剛枝 從惡毒器中 欲索甘露藥

與狂論定計 從怨求暢安 地獄中求樂

廁中求香美 欲教訓獼猴 令重莫輕躁

朽舍久危墻 濕沙以為城 雲泡水上沫

露燈難恃怙 如坏器盛水 亦難可久保

輕脆甚於是 無強速壞捨 當作是覺知

可畏四大身 何見正諦者 堪任昇此身

衆生愚癡故 悅意不懷憂 見他有死者

不自計當爾 放心於不要 耗盡其壽命

終不設方便 求益已善本 當作是覺知

普世歸無常 天地寶石山 皆當歸滅盡

大淵海陂池 不久皆乾竭 名寶須彌山

亦必當崩巔

佛本行經卷第五

音釋

瘳 丑鳩切 奔 夷益切 癘 力霽切 彌 音例 積 寶四切

矇 尺之切 目 根 除庚切 募 初患切 逆 孫徂切 礎 都回

鎮 五感切 讒 遶 鋤咸切 誑 居候切 甦 息也 鞿 堅溪切

堡 博浩切 湏 音凍 掬 居六切 兩 鞿 堅溪切 鞿 堅溪切

博漫切 業也

桐城浮渡居士吳用先施贊刻此
 佛本行經卷第五計字九千五百零十 該錄
 四兩二錢七分五厘
 天啓五年乙丑孟冬吉日徑山化城寺謹

寶山 昔當續藏

佛本行經卷第六

宋涼州沙門釋寶雲譯

調達入地獄品第二十七

佛天師世怙 身心俱清淨 愍眾詣江洛
 著澡衣而立 爾時佛世尊 始入清流江
 猶如日天子 在天華浴池 如祠金剛柱
 妙寶以校飾 譬天刻鏤師 眾相悉明備
 佛世尊身形 妙好亦如是 此皆宿善行
 工匠所爲作 百福德相備 宿善所印明
 或如然妙指 晃昱或如言 似說本善行

佛形相如是 水陸空中蟲 莫不愕然觀
各自捨怨嫌 皆慈心相向 悉不相茹食
注目於佛相 視之無厭足 時佛告阿難
視此衆生類 皆共觀佛者 雖蟲獸無慧
不識別善惡 觀佛身相好 如視鏡中照
已下善本種 阿難報佛言 唯然觀調達
熈然其身本 釋種子勤修 學法能乘空
爲王阿闍世 所事最上師 受無極榮寵
恭敬盛大器 不審因何故 欲變成惡器
時佛告阿難 廣施博學問 淨行勤自守

心懷惡行者 是必不可保 心惡習衆惡
亡失其善行 自穢善根本 愚人得榮祿
甚以自慶喜 但以招自殺 猶如驟懷妊
其以自消盡 衆善之根本 無餘一毛善
可牽拔濟出 吾之愛衆生 慈加於一切
投山入熾火 救衆苦厄者 不憚惜己身
羅云是吾子 調達山礎我 是二等慈愍
不久於王舍 惡行升斛滿 調達得重疾
種種方便救 盡呼其弟子 今可致我往
請摩竭國王 是我舊親友 於是諸弟子

方便鞞致往 其鞞三枕折 墮地打膝傷
更易坐一鞞 鞞詣王宮門 行道逢種種
諸不祥徵應 特牛吼來迎 角觝地且行
後腳揩地土 揚塵坐辱之 羣鳥於上鳴
猶如人語聲 今汝所圖計 終不以諧偶
到門卽啓王 王令勅傍臣 惡人是地分
復來相惑耶 反以惡燒我 又復還自燒
如雹害萬物 已尋消化盡 還致罪物去
吾等不宜見 此親所不用 衆人所棄捨
拒逆佛世尊 爲祀吉祥天 若入無擇獄

恐連曳吾等 其有敬重吾 及自愛身者
速逐使出朝 惡復聞見是 吾每歎佛德
從天師求願 誓所生之處 莫與惡友俱
侍臣勅朝師 速逐遣罪人 調達誚意思
爲飾諸弟子 如吾自思惟 惟佛於吾親
能相濟厄耳 餘無可恃者 速致吾詣佛
墮者還依本 如墜因地起 地故載育之
諸弟子謂之 師誤失無限 懷惡意向佛
犯種種罪過 調達疑怖言 吾雖犯負佛
不犯捨惡人 善者故不怙 於是其弟子

見師以如是 畏調達之故 便速輦出去
震動王舍城 衆人大集觀 時催逐調達
解所懷疑結 見調達遭厄 顏色甚憔悴
每行惡不貲 今乃獲禍對 如海船欲覆
垂入摩竭口 猶如大幢傾 臨墜僵于地
危譬屠家羊 喻天福盡應 調達危如是
垂入死門口 如日蓋山陰 漸速普覆地
調達惡行陰 追逐覆不置 城中諸觀人
見其如是應 各各轉相謂 若干異同羣
痛哉視世惡 合偶卒永離 何智當貢高

於其惡生死 此則是由來 變現妖怪者
令摩竭國王 迷惑爲逆惡 每乘金寶車
光耀如天帝 將從狀如天 王起出臨觀
若來入宮時 每現從空下 所食之御厨
炊五百燒器 在阿闍世膝 變已作嬰兒
現戲吮王唾 王意終不厭 王每常敬待
謂之勝於佛 驅逐不停門 一何可憐傷
此今意退沒 懷苦或無智 欲往見世尊
悔已過向佛 今甚懷惱熱 躁擾自投擲
不久於阿鼻 當受諸苦痛 或言情性惡

或言用貴爲 不見佛受法 及於賢聖衆
不自護已身 亦不護餘人 學不慮今世
亦不顧後世 咄榮祿甚苦 咄多求亦苦
凡未見諦者 無一可恃怙 愚癡甚妬惡
覆蔽一切眼 愛著大苦痛 普誑惑世間
以虛邁向王 懷嫌燒壞人 嫉佞侵損他
惡如閻羅王 宿對便來至 以力强牽曳
王不遣人助 亦無來救者 如僞稱悅人
不慮已後時 舉價廣輕用 財債皆滋倍
債主急迫切 諸共喪費者 皆馳棄藏避

今當停獨償 於是甚勞苦 致到舍衛城
舍衛城中人 集會觀調達 男女諸大小
空舍皆馳走 大聚無央數 隨逐調達行
人展轉相謂 弊怨重地上 每施惡於佛
強顏而無慙 云何欲見佛 中有覆面者
損耗之積聚 是不宜觀見 有甚驚悚者
或悲憐傷之 或悲歎墮泣 或有嘿立視
或有稱歎佛 慈心之功德 故能含容受
如是毒惡物 其弟子勞疲 小住頓息曰
是地之重擔 奈何堪勝之 適小停於地

衆人悉圍遶 死應之表式 漸漸爲之現
斯須地震動 響徧國界言 吾不勝惡人
如覺悟世間 於是虛空中 有大雷震動
又有若干種 可畏惡音響 諸天告祇洹
惡行來在近 故地動聲云 示其惡緣對
不勝惡行者 阿難前白佛 云調達來至
求欲見世尊 時佛以梵音 而告阿難曰
調達罪厚重 不能來見吾 假隨藍風吹
不能令動來 正使龍索引 龍絕不可動
佛說決定言 調達不見吾 卽時戰汗出

頰色卽變惡 猶如金翅鳥 欲搏食龍王
爲死所捉持 戰動不自止 見閻王使召
怖恐無所識 地開如魚口 火塞滿其中
張口甚可畏 如欲吞調達 火焰拔汝舌
昱昱燒其身 熱火所纏裹 牽曳向惡趣
高舉其兩手 大聲呼稱佛 嗚呼天中天
衆生所恃怙 每懷慈愍心 於一切衆生
我愚雖過失 仁善不改動 如須彌山王
風終不能摧 慈愛無限量 稱世光見照
若蒙尊暉曜 冀待小停息 以悟三千界

梵音見告語 緣是深妙聲 得脫地獄苦
願得佛世尊 著足之塵土 戴之於頂上
或必有所濟 世尊不自來 願遣餘弟子
舍利弗曰連 迦葉阿那律 幸趣遣此等
惟弟賢阿難 骨肉族不棄 如何便自捨
兄弟相惱苦 衆生亦復爾 王以下羣臣
知識及宗親 餘惟有惡對 終不捨遠我
不得小動離 如影隨其形 人衆滿地上
諸天塞虛空 皆住觀調達 宛轉毒痛中
猶如兩力士 對共拊力鬪 宿對之力士

衆中擒調達 天人同聲喚 寵祿今安在
善惡報彰顯 爲火所牽曳 時無央數人
悚然畏惡對 佛尚不能救 何況其餘者
稱佛屈已禮 徹骨自歸命 未及說半言
便爲火所纏 火如嬰瑤像 徧布其身體
奄忽便沒去 如餓魚所吞 忽至無擇獄
於是鬼獄牽 頭然甚可畏 力大身如山
懷毒甚曠恚 捷疾尋來至 如金鳥取籠
共來接擎去 以然熱鐵索 反縛其兩臂
牽曳罵數過 將至啓閻羅 此則是世間

兇暴弊惡物 懷嫌嫉虛誦 反悞逆正理
記惡不反覆 不慈勤爲惡 主求人長短
無慙廣結怨 強專獨權勢 托亂越分理
是法言非法 非法言是法 寂滅之川谷
慧寶體充滿 佛之須彌山 斯放石欲壞
定意清淨水 賢聖衆海淵 本清澄且深
此托令擾濁 無辜生怨殺 蓮華比丘尼
拔盡善根本 悉令無有餘 冥如野雲霧
衆善日損縮 喻之月垂竟 消轉盡晦闇
積罪地所吞 今至惡對口 王宜處其罪

罪重叵散放 王聞其所啓 求處當以法
盡恚訶折之 與決了言教 咄爾族姓貴
乃爲下賤事 甘蔗王苗裔 汝唐喪失之
汝爲狂迷耶 乃作是大過 垂飲翻甘露
自吞其害毒 爲是反悞事 欲齧吾杖乎
欲吞天帝杵 欲手持空耶 汝爲欲縛束
躁動性散風 將類爲是事 故極意造惡
汝欲以手掌 障蔽佛日光 復欲與一指
舉佛之須彌 汝欲飲大海 令竭無有餘
事至自牢強 語已呼獄卒 便爲所可作

鬼卒大叫呼 罪人皆大驚 展轉自謂言
行惡者今至 緣是惡物故 當益加我等
若干種苦毒 都來趣會此 共毒治惡物
剥皮曰擣磨 生膾而殺之 消散其身體
鬼卒如所說 毒治令備悉 遍見諸苦痛
獄鬼以火燒 鐵刮強刮口 洋銅灌其咽
吞噉燒鐵丸 都合諸地獄 其中處楚毒
就於無擇中 加害於調達 無擇灌燒治
與罪人俱受 調達私罪對 響響競來現
大倒金剛山 焔出甚熱熾 墮調達頭上

令身碎如塵 山如有識瞋 恒自起自墮
聲似唱和言 深築碎其骨 罪人聞是聲
皆恐怖驚張 奔波星散走 無地可隱藏
覆眼面拍地 大呼相謂言 行惡一何劇
今俱受毒痛 惡者今來到 負重劇殃對
以是惡物故 益我等痛怖 調達毒痛狂
謂諸罪人言 毒痛普爾也 於我猛劇乎
獄中詔守鬼 各罵調達曰 且聽弊惡害
捨短逆暴物 一切智藥充 法寶慧衆多
佛十八巖谷 慈悲之淵池 佛山妙如是

汝以山堦之 以是殃罪故 諸山雨汝上
自然金剛山 雨調達頭首 山巖火焦杵
淋雨無斷絕 鍛其身碎末 尋還生如故
於是復叫呼 驚動地獄中 石象有百足
譬一由延山 黑如冥霧雲 疾踰劫盡風
嗚吼如雷震 調達見驚怖 失聲大叫呼
便說是言曰 汝等何惡劇 以象相逼迫
來用相怖死 今來相踐蹈 獄鬼問之曰
識踐汝者不 汝以象恐怖 故罪象踐汝
斯須復更有 地獄鐵身鬼 形狀大如山

各負然鐵杵 辟方一由延 來至調達所
舉五百鐵杵 次下調達上 擣碎調達身
猶如小蟻蟲 獄鬼恚罵曰 是罪何足言
汝破得道人 蓮華女之首 坐犯是罪殃
杵今春汝頭 復有然鐵車 然炭以牛駕
臂脚各繫車 分以爲兩分 打車各自去
分裂調達身 車各分其身 毒痛不可言
獄鬼復罵曰 今始車裂汝 分以爲兩分
甫當裂汝身 八十六千萬 汝坐誹聖衆
別以爲兩部 故今裂汝身 調達叫聲徹

紅華獄如響

瞿和離識聲

尋便罵詈言

寧遭熾火燒

若利劒中毒

惡賊鸛躄蛇

莫遇邪惡友

施方便求助

可脫斯諸禍

惡友無方便

致心宿地獄

以遭獄守鬼

無逮解脫路

四種之方便

其術不復行

捐名稱譬

如日竭水

消眾善行

如火焚野

傷智慧明

猶華遇霜

穢壞禁戒

淨意之香

障蔽心之明

猶月如遭蝕

調達以友根

於我爲毒怨

獄卒加毒治

甚痛大叫呼

調達識聲聞

瞿和離聲耶

鬼卒逆罵曰

地獄之火熾

入他罪科中

何須復問爲

緣汝惡友行

強致紅華獄

以邪反逆道

墮漸受艱難

汝爲惡船師

將導入洄漩

長終始回旋

永不知正路

調達懷痛曰

瞿和離已至

我餘諸親友

皆到地獄耶

弊友一何劇

導我至惡道

以皆執隨我

來止宿地獄

佛弟子目連

神足得自在

慈愍三惡道

行因見調達

見王阿闍世

王稽首敬禮

尊目捷連足

已便問之曰

承往惡道觀

惟師願說之

頗見惡調達

佛

佛

佛

佛

01234567891012345678910123456789

受苦痛何類 目連答王曰 調達之所受
苦痛甚兼備 難可倉卒陳 有八大地獄
獄有十六城 百二十八獄 合此諸楚痛
獨一阿鼻痛 喻此諸獄苦 苦無須臾安
故名無擇獄 受苦甚弊惡 毒痛重餘者
又償私別罪 終無休息時 十六盛火焰
纏繞其身體 爲諸苦痛箭 所射之准的
如爾時闍王 具責數調達 獄卒重罵詈
悉以向王說 王聞心悚然 舉體衣毛豎
驚意白目連 叉手而傾屈 王心卽時萎

如華得於火 目淚交其面 譬芙蓉得雨
懷恐怖且悲 向於目捷連 自責已由來
所作之不善 吐心可知慙 免離遠惡友
今悔策千萬 如策進良馬 意譬如麻油
值香則便香 得臭則受臭 汝心亦復然
目連告王曰 覺悔最第一 悔責病津液
佛良醫能愈 王聞其告教 甚畏怖地獄
惟恃賴於佛 如病歸良醫 勅立寶樓觀
校以衆琦妙 如天善法殿 四寶爲欄楯
四方寶梯陛 四方四浴池 以四寶爲華

種種微妙好 於上飾寶樹 諸王盡技巧
法忉利釋宮 如天晝度樹 於下設高座
如忉利天帝 在晝度樹下 釋之大御座
天請佛至宮 佛出如日現 奮千妙光明
王躬自出迎 四寶幢蓋旛 華香眾妓樂
種種奇妙珍 敬意奉迎佛 卽時普震擊
二十億眾鼓 天人普散華 如雨徧覆地
佛卽時來至 上殿坐高座 猶如梵天音
處第一梵宮 王無量敬意 形容甚微妙
猶如日宮殿 處在須彌側 手執金澡瓶

以水灌佛手 如來掌藕華 輪相皎然明
王手奉餽饌 百味食甘飯 甚香潔清淨
如天善施食 佛與諸弟子 飯食已畢訖
澡漱手滌鉢 清淨如佛意 樓觀殿高顯
人眾億無數 如諸天觀佛 於晝度樹宮
天帝懷愁慘 與諸天俱來 自觀當降神
受形於驢胎 王懷慘猶若 諦視地獄苦
摩竭大國王 與諸姝女俱 服飾甚綺麗
晃昱如雲電 翼從王而來 敬意稽首佛
或持雜寶華 或持金銀華 金粟或銀粟

經
佛本行經卷六
三
遊地

種種雜珍寶 又復有諸女 手執金銀器
皆盛滿澤香 及吉祥寶瓶 以雜名香汁
灑地令淹塵 若干雜色華 散普徧覆地
以諸名衣服 雜寶之瓔珞 皆脫以惠施
地成大積聚 王與大眾人 投身於佛前
佛慈護眾生 願垂覆惡類 佛見諸天人
心皆懷悚然 大眾數億千 皆願欲得度
卽時爲之說 微妙深法要 四諦之甘露
解脫決定法 有六億眾生 解諦見道跡
餘無數眾生 皆發大道意

九乳哺力品第二十八

佛以入無餘 滅身諸苦痛 與無著弟子
出妙維耶離 行歷諸村落 安庠以次第
覺悟眾生類 令植善德本 爲無數眾生
顯露宿善行 度脫無央數 令服甘露味
次至成有城 力士所生土 與諸弟子俱
止宿其土界 去彼土不遠 拘夷那竭城
城門中有山 五百力士集 還共論議言
是山妨城門 共合力舉徙 顯我等盛力
後世流名稱 馳周徧四方 精勤力備故

無有斷絕時 議已便共出 將象青牛馬
拖材木繩索 共行詣山下 設若干方便
繫山於畜頸 各手引繩索 以杖木捩撮
皆共舉聲音 同一時出方 大聲震一國
不能動搖山 佛將弟子衆 行次至其所
諸力士見佛 金色之光明 霍如千日出
妙相三十二 見佛懷喜踊 捨山往行詣
敬意禮佛足 右遶三匝已 佛因問之曰
諸壯士何故 聚會在此也 因共白佛言
我等生土地 種類號力士 是山妨城門

吾等共集議 欲徙移是山 令城門道平
流名於後世 顯示力士力 故摩致象畜
及自竭其力 盡大方便勢 山永不可動
佛與大衆俱 行往詣其山 揄攝其衣服
以左手舉山 置於右手中 便拋擲虛空
乃至上梵天 山中聲出言 世間皆無常
諸法皆無我 惟無爲滅苦 山從上來下
還住佛右掌 佛以口氣吹 皆令碎爲塵
又還收合聚 還復如本山 徙之著餘方
於是諸力士 見世尊大士 心喜踊無量

舉身衣毛豎

加敬意於佛

皆前禮佛足

長跪叉手言

唯然天中天

向者所用力

為是乳哺力

是神足力者

是道定力乎

佛告諸壯士

諦聽受所言

吾左手取山

置於右手中

擲虛空中者

是吾乳哺力

乃上至梵天

山中有聲出

一切世無常

一切皆無我

獨無為滅苦

又重叉手曰

惟願天中天

勞神重敷演

父母乳哺力

暢達其限量

告諸力士曰

汝等必欲聞

佛乳哺力耶

對曰惟願聞

世尊乳哺力

佛言樂者聽

十凡牛之力

等一青牛力

十青牛之力

等一犛牛力

十犛牛之力

等獨角牛力

十獨角牛力

等一凡象力

十凡象之力

等一數生象

十數生象力

等一左象力

十左象之力

等一香象力

如十香象力

等大德象力

十大德象力

等一杆牙象

十杆牙象力

等一龍象力

如十龍象力

等廣肩力士

十廣肩力士

等一天節力

十天節力力

等一士乘天

士乘三百天

等佛一指節

父母乳哺力

佛之乳哺力 其喻狀如是 已過去諸佛
及諸當來佛 如吾今現在 一切皆平等
等音聲等稱 等量等相好 等福等報應
等覺等智慧 等戒等定意 惟二事不等
形體及壽命 爾時諸力士 稽首禮佛足
叉手白佛言 今已見世尊 父母乳哺力
願垂愍勞神 班宣敷演說 佛功德福力
佛告諸力士 樂聞者諦聽 唯然樂欲聞
佛告諸力士 普一閻浮提 衆生福德力
以比一方域 轉輪聖王力 善本福德力

百倍及千倍 萬倍巨億倍 不得相比喻
二方轉輪王 三方轉輪王 四方轉輪王
一方鐵輪現 二方銅輪現 三方銀輪現
四方金輪現 輪具有千輻 七寶雜錯廁
照然明如日 二方福祐力 喻所倍如前
三方王福力 亦喻其所領 四方王福力
喻所領衆生 衆生福德力 百倍千萬倍
計其功德力 終不可爲喻 假令四方域
一切衆生類 皆爲轉輪王 合此福德力
以比四天王 所有功德力 百千巨億萬

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

終不得為喻 普四王天人 皆為四天王
以比天帝釋 所有福德力 百千萬巨億
不得為譬喻 忉利諸天人 德如天帝釋
不比焰天王 所有功德力 百千萬巨億
不可相比喻 假令焰天人 如焰天王福
不比家天王 所有福德力 令堯術天人
德如其天王 不比化樂天 王之功德力
使化樂天人 德如化樂王 不比化應聲
天王福德力 化應聲天人 德力如天王
不比第一梵 所有功德力 假令諸梵天

如第一梵力 不及大梵天 所有福德力
百千萬巨億 不得為譬喻 假令大梵王
無數不可計 不比一緣覺 所有功德力
百千萬巨億 不髣髴為喻 三千大千界
所有眾生類 德力如緣覺 不比一菩薩
所有福德力 十方眾生類 皆使為菩薩
福德力具足 不得佛一相 所有功德力
百千萬巨億 不可以為喻 其過去諸佛
及甫當來者 又吾今現在 德力皆平等
等音等稱量 等相等福德 等諸報應法

等音等稱量 等相等福德 等諸報應法

經 卷六 七 八 九

惟形壽不等 時諸力士等 稽首禮佛足
長跪叉手言 唯然天中天 已見乳哺力
具聞福德力 惟願重聞聽 佛之智慧力
佛告諸力士 樂者靜心聽 今當具暢說
佛之智慧力 此閻浮提地 廣七千由延
地形有三角 西方瞿耶尼 廣八千由延
其地形方正 東方弗于逮 廣九千由延
地形如月減 北方鬱單越 廣縱萬由延
地形如月滿 其此四方域 諸生草樹木
盡以用作筆 大海所有水 深廣長三百

三十六萬里 以水和書墨 須彌山入地
下至金剛際 亦復有二百 三十六萬里
齊水以上現 亦復有二百 三十六萬里
四方四寶成 北方以黃金 東方以白銀
南方紺留璃 西方以水精 猶如須彌山
皆使爲素帛 書盡樹木筆 盡竭諸海水
徧書此素帛 不盡一弟子 舍利弗智慧
日月明所照 如是千國土 千日及千月
千四方土域 千東西南北 千須彌山王
及千四天王 千忉利帝天 千諸焰天王

千堦術天王 千化樂天王 千化自在天
及千諸梵王 是名千世界 如是千世界
是名曰小千 千千小千界 名第二中千
如第二中千 其數滿千千 以是故名曰
三千大千界 假令此三千 大千千世界
所有衆生類 慧如舍利弗 以此佛智慧
百倍及千倍 萬萬巨億倍 無可計爲喻
佛慧力如是 已過去諸佛 及甫當興者
如吾今現在 一切皆平等 等音等稱量
等德等相好 及等諸報應 爾時諸力士

重稽首佛足 叉手曰佛言 唯然天中天
已現乳哺力 聞功德慧力 惟願垂解說
佛神足之力 佛告諸力士 樂聞者靜聽
唯然願聽受 佛謂諸壯士 昔此毅勇貴
人民皆饑餓 諸弟子乞求 不能自存活
坐禪意不定 不能遵修善 時弟子目連
便來詣吾所 稽首佛足已 却於一面坐
叉手曰佛言 憶昔從佛聞 是地皆可食
衆生薄福故 地肥下沉入 礫石沙鹹出
如我今諦知 地肥故在下 衆生可憐愍

經
佛行經卷六
三
卷九

今欲取此地	反上以著下	反下以著上
吾時訶目連	莫勞動爲此	是衆生前世
不修衆善本	無有是功德	應食此地肥
弟子目捷連	能以左手舉	三千世界地
置於右掌中	擎著他世界	一切衆生類
無有覺知者	亦不懷恐怖	如是三千土
大千之世界	此三千世界	滿中衆生類
神力如目連	比佛身神力	百千萬巨億
終不得相喻	使十方衆生	神力如緣覺
諸弟子神力	并佛身神力	以比佛意力

百千萬億倍	無量不可計	終不得爲喻
爾時諸力士	稽首禮佛足	又手白佛言
唯然天中天	已現乳哺力	福慧神足力
惟說定意力	解暢其境界	佛告諸力士
樂聞者靜聽	唯然當聽受	佛告諸力士
須彌四方域	諸龍上昇空	同時降暴雨
周徧四天下	是四方大水	皆流入大海
佛皆別識知	是諸雨水滴	初墮其方域
某方某村落	某家某園田	某樹某枝葉
某華某果實	因流入大海	此四方大城

一切所有水 佛之定意力 悉能分別知
諸水滴源由 所從來方面 是爲佛定意
微妙之神力 前已過去佛 甫當興世者
吾今現說法 一切皆平等 等音等稱量
等德等相好 等諸報應法 惟二事不等
形體及壽命 何故二不等 世人壽長時
人形體長大 佛亦順世俗 壽長形體大
末世人壽短 形體醜短小 佛亦隨世俗
壽短形體小 以故諸佛典 以二事不等
佛告諸力士 吾以爲汝等 班宣具解說

佛之乳哺力 福德智慧力 神足定意力
是所說諸力 當於今暮夜 爲無常大力
所擊壞碎滅 如是諸人等 世間歸無常
一切有形類 皆當歸別離 散壞滅云法
生者歸於死 成者必當敗 合者有離別
聚者當各散 立者必傾墮 佛爲諸力士
因說要偈言 有爲歸無常 典起歸盡法
諸興衰自然 勤求寂滅安 有爲歸無常
典起歸盡法 佛最第一尊 壽亦有終盡
於是短壽命 如夢忽便過 自縱不勤學

是愚可愍傷 譬如山水峻 速往終不返
人命亦如是 逝者不復還 如弓之遺箭
已逝不中返 人命猶如此 去者不復還
衆苦苦起源 當勤求滅苦 覺入賢聖路
致吉服甘露 時佛說是已 三千大千界
地六返震動 無數兆姦天 忽捨其宮殿
曼塞虛空中 雨諸天華香 末金銀梅檀
諸天鼓妓樂 梵天禮佛足 又手於佛前
因說此偈言 諸佛難值見 正覺意難有
如犖優曇鉢 佛又難於此 勇健趨難遇

終

佛本行感卷六

註

通加

人上釋師子 與諸天人衆 今故又手禮
於時天帝釋 便前禮佛足 長跪於佛前
因說是頌言 令我得眼淨 照耀於法炬
塞閉邪趣門 不畏墮惡路 大慈世之師
哀愍傷衆生 故與諸天衆 於前又手禮
時六萬諸天 見諦得道跡 禮佛遶三市
忽還歸天宮 時大會衆人 歸命於三尊
佛法賢聖衆 盡畢其壽命 奉戒修十善
離著出家學 受戒爲沙門 見諦證溝港
往還不還道 或成無著真 或發緣覺乘

經

佛本行感卷六

註

通加

阿難心煩毒 便謂須跋言 今非見師時
佛以一切智 徹照應度者 百福德相眼
慈意視須跋 佛以柔輭音 告語阿難言
莫違來見者 吾出世爲善 須跋得所願
甚懷喜踊躍 卽往至佛所 果必蒙解脫
爾時賢須跋 謙敬尊佛德 傾屈而敬禮
遜辭白世尊 前師覺世間 云尊從得道
已已得解脫 又復度衆生 願以見開示
儻能蒙覺悟 故來敬禮尊 不敢稱智力
佛見須跋來 心懷甚喜敬 爲說以賢聖

示滅苦無爲 時須跋聞之 尋卽得解脫
邪迷意覺悟 逮得解脫道 本執邪倒見
故旋迷生死 倒見六十二 以是世沉沒
彼盡無有餘 白衣致得道 漏盡成羅漢
濟此無往受 覺佛所往路 普世緣愛生
愛渴漏俱滅 滅意諸苦結 覺佛之所說
深正真言教 以除意染著 心淨無餘漏
覺世之生死 須跋諦思惟 謂世間斷滅
是見眼脫除 世本歸滅亡 意覺知是已
世間有常見 邪疑霍然除 彼前所執持

捨是諸倒見 聞佛真善言 開慈心受持
因其前世時 所修諸善本 願入泥洹城
故速疾解脫 已得善無爲 除冥覺正真
建立末甘露 除盡諸塵勞 時見佛世尊
欲捨就滅度 以慈心視佛 意便起是念
我今理不宜 見佛捨壽行 普世之炬耀
衆生所恃怙 施善於一切 願我先捨身
曼佛天中天 未捨壽之頃 心善踊無量
起五情投地 稽首禮佛足 生定意如山
卽時尋速滅 猶如興大雲 普雨降甘潤

滅盡小野火 佛告勅比丘 供養須跋身
佛末後弟子 度立泥洹城 因卽右脇倚
臥於繩牀上 欲放捨佛身 盡壽命之數
初夜時欲過 星月光明損 林藪鳥獸寂
佛告諸弟子 卿等敬具戒 如尊師炬耀
吾去世之後 願從莫違犯 淨攝身口心
捨利求華安 田役畜乘僕 倉藏園莫爲
無種植樹木 亦莫斬伐傷 不得爲己身
造立垣牆壁 無仰觀曆數 合和湯藥方
如時限節食 修已莫望敬 無自隱短穢

無行呪自活 無爲王者使 無占相吉凶
汝等後當乏 衣食疾湯藥 每攝意知足
守限節忍苦 汝等但能勤 奉持是禁戒
具戒之根株 相載之泥洹 從是起定慧
禁戒具諸偶 守護能備悉 智慧增長益
除滅諸塵勞 緣是致泥洹 此言戒印封
因識守戒者 其戒具不缺 備悉無短少
彼則清淨善 脫塵勞寂滅 無有禁戒者
彼則無沙門 因禁戒地立 成沙門善妙
已立淨戒具 心不縱諸欲 逸則制令任

伏使忍不起 如回牛離苗 縱情念邪者
差失淨禁戒 顛墜大衰耗 若遇惡賊對
一世受苦身 隨從諸欲者 今世及後世
身受諸苦毒 故不當從欲 悅可諸欲者
後必遭大苦 人不當畏懼 熾火之所燒
莫畏蛇虺毒 及凶弊惡賊 害奪人命者
當自畏癡意 如愚見巖蜜 不顧碎身患
如無鈎醉象 躁跳如獼猴 心晝夜隨欲
莫聽隨所便 不滅其心者 身不得休息
已能調伏心 不邪屈泥洹 得食如服藥

佛本行經卷第

三

七

不當起愛憎 所得便當食 趣愈饑支形
喻如衆蜂集 採花之精味 以時度施食
無壞人恭敬 莫煩好施者 莫數役良畜
好施煩則厭 良畜數役疲 汝等晝夜勤
方便加建立 莫自縱睡眠 損耗難得命
普世死所燒 誰通夜安寐 怨賊所圍遶
恐怖焉得安 可捨塵勞垢 陳宿久居者
塵勞盡安寐 覺寐滅塵勞 慚愧爲衣服
瓔珞象之鈎 放捨慚愧者 衆德善所棄
執持慚愧者 以故名爲人 強顏不知慙

是名爲畜獸 若節節支解 心不當起亂
亦莫違禁戒 口發麤獷言 戒則是忍辱
亦是其強力 不忍他麤言 終不得解脫
恚壞法失名 善心悅顏怨 心毒不當聽
令止宿斯須 諸善之強敵 無過於瞋恚
捷疾無爲喻 毀壞仁禁戒 居家有愛著
雖恚愆不重 守戒恚愆重 如冷水止火
剃頭被法衣 執鉢行乞食 威儀以持世
不宜與恚俱 慢增則善損 居家者尚爾
況捨家離著 調伏定心者 中平正眞法

不與邪偽合 正法建善事 邪偽者虛欺
積財聖憂惱 少欲者離苦 是故吾弟子
少求增衆善 卿等當知足 爾乃心安定
知足人間樂 無厭生大苦 饒財無厭貧
財分知足富 無厭貪馳騁 知足者所憐
欲求解脫者 莫依衆憤鬧 天帝釋以下
敬禮獨靜者 卿等除親愛 親愛苦止宿
捨家戀親愛 如老象沒泥 志意勇進者
衆事無疑難 水性雖柔弱 漸滴能穿石
鑽火數休息 不能時致火 勤鑽尋致火

精進者諧偶 故當建精進 趣向泥洹門
邪違無爲道 汝等慎莫爲 守志不錯亂
衆邪不得下 守志沙門友 失志忘衆善
志被甲仗備 敵莫能得勝 心專服德鎧
塵勞無能勝 專精定意者 諦了世生死
是故當定意 意定苦不起 若欲度流水
因橋梁浮材 欲度一切苦 定意第一船
卿等慧離者 今故顯世法 有是則得度
法外者不愛 不謂爲捨家 鎧良藥利器
舟船度流江 智慧度生死 是故常聽法

經

佛行經卷七

五

七

經

佛行經卷七

六

七

當從法言教 慧見者見正 無慧者盲冥
心與塵勞俱 終不得解脫 審欲求度者
勤除去塵勞 沙門學調心 除去放逸意
天帝心調樂 阿須倫無樂 吾施汝等善
卿等當勤修 廣設衆方便 便令至泥洹
靜寂山巖間 林藪空閑舍 於中學定意
吾去後莫恨 良醫盡方術 和合若干藥
病者服得瘳 醫不自還服 導師引道正
從者無憂患 違失者有損 不顧慮患故
吾已爲汝等 敷演四正諦 懷疑者便問

今正是其時 時佛令如是 弟子嘿無言
阿那律知念 於大衆中曰 日可令涼冷
月可使焰熱 是四諦正真 終不可違故
苦諦苦所逼 緣愛則有苦 諸佛之所說
滅盡諦滅愛 甘露八正道 寂滅爲泥洹
覺是沙門衆 佛末後度厄 衆會未度者
初入道老少 佛粗說羅漢 如冥電照道
其已得解脫 度於生死者 衆共懷悲恨
師滅一何速 佛聞阿那律 如是正諦語
欲堅衆生意 慈悲說是言 假令有劫壽

佛本行經卷第

七

七

經

佛本行經卷第

七

七

必當終歸盡 吾以具施善 何用長壽爲
世間及天上 吾所應度者 半度半示道
轉教得法任 汝等當學制 不足追念吾
但勤說方便 莫遭離別痛 以慧燈除冥
覺世無牢強 垂終心懷悅 猶如重患除
慧者脫凶衰 遠離弊惡人 得捨是二患
何緣得懷憂 汝等勤修善 一切次當死
吾入泥洹城 時今已近到 於是捨壽行
是吾末後言 佛於是思惟 第一離欲禪
從第一禪起 思惟第二禪 如是歷四禪

從是周遍歷 往返於九禪 逆順盡端緒
世尊天中天 還至第一禪 從第一禪起
重思至四禪 佛時審諦思 逆順歷禪觀
又還從是起 微震動其意 然後捨壽行
奄入泥洹城 佛適捨壽行 地六返震動
空中有大炬 如劫盡燒火 四方有大火
猶如阿修羅 燒天林樹澤 名曰愛盡樂
暴雨振其塵 電光如吐焰 普世如大火
雷震甚可畏 卒暴塵霧風 折樹崩山巖
猶如劫盡風 所摧傷無恨 白日無精光

星月闇不明 日月俱失光 譬如泥所塗
日月雖俱照 黤黤不精明 莫能識東西
晝夜不可知 世間冥所覆 江河皆逆流
佛坐側雙林 憂感萃零落 江河水皆熱
猶如沸釜湯 雙樹爲之萎 屈覆世尊身
五頭大龍王 悲痛身放緩 或悶熱視佛
啼哭眼皆赤 卽時吐熱氣 鬱毒不可言
燒熱其咽喉 如吐心重患 觀世都無常
自諫強除憂 自意王將從 念法制帝泣
淨居諸天子 解道心調定 寂然不啼泣

經

佛行經卷第

七

七

愍世或起滅 第一執樂神 龍王大力神
愛重法天神 悲感塞虛空 普爲憂所覆
周樟大哀慟 雜類之大聲 遍滿於世間
魔已得其願 及惡兵屬喜 舞調雷震鼓
種種放洪聲 大叫傳令言 吾主強敵亡
自今誰復能 越其境界者 佛德樹崩墮
如大象牙折 如高山巖摧 如大牛角脫
佛今捨身壽 世間諸天人 無所復歸仰
失恃怙如是 如虛空無日 如國無倉藏
如華池被霜 衆萃皆摧傷 世尊捨軀命

寂潛於泥洹 一切有形類 莫不失精榮

嘆無為品第三十

於時從空中 天寶宮照耀 駕以千象車

懸虛而在上 敬心熟視佛 捨命臥身形

懷感而悲嘆 卽說是辭曰 處在大生死

一切皆無常 始生現興盛 卒衰損滅亡

回旋向所樂 便生種種苦 都滅盡諸苦

無為第一快 生死雜種薪 燒令無有餘

慧焰德稱煙 流遍天世間 無常水忽至

滅佛盛光明 猶如野猛火 卒遇天暴雨

復有天仙人 愍善心調良 止處淨居宮

清淨除諸欲 見佛甚愛敬 啼泣如雲雨

意重如須彌 便發是言曰 世間終不有

生而不死者 自古來未曾 生而有永存

上中下究暢 決定無不知 是尚不得免

其餘難長存 是世間大導 去邪示正路

慧眼最第一 觀世轉上下 如是世慧滅

當還住邪道 猶如盲無目 迷失平正路

弟子天眼最 號名阿那律 愛憎意已竭

勞盡生死斷 見佛已滅度 世間當闍冥

諸根寂意滅 便嘆是辭言 處在大生死
慧義不得暢 世間如霧氣 斯須空不現
無常金剛杵 擊佛寶須彌 忽然盡崩壞
今墜墮于地 世間何輕脆 無一可恃怙
恍惚無堅要 躁動合則散 普世滅亡法
如夢無吾我 佛師子能伏 塵勞象自墮
未逮道跡者 何能不畏是 觀世叵恃怙
如朝露聚沫 佛號天人師 金剛之大柱
忽然壞在地 其力安所在 六種生五伎
一萌五呆實 俱漑是三林 勞意固難伐

佛大力之象 突壞塵勞樹 碎散令無餘
然後自墮地 千目執金剛 天帝蒙時雨
立之於正法 滅其苦清涼 德稱彌弘廣
普覆於世間 諸聖賢之師 寂然而隱滅
名德無不周 微妙法澹澗 猶如秋時雨
流水滿江河 天師垂濟護 自意王營從
授以無爲道 潛身如日沒 興雲降時雨
秋冬雨雪霜 盛火之熾焰 莫之爲之滅
如祠竟火滅 今諸天師火 霍滅寂無光
世間永長冥 斷解脫者望 違本願失歡

善名德流布 周遍滿十方 懷四等大慈
愍眾如赤子 莫不蒙其善 如何寂然滅
得妙無著道 諸佛之所生 無礙諸善法
寂然而自覺 以神足輕舉 覺身是苦藏
以是故速滅 捨身安無爲 除一切心冥
如日千光明 滅心之姪垢 如雨淹地塵
不復遭眾苦 不爲惱所迫 已度廣無邊
無崖底海淵 出興顯于世 壞諸苦毒患
懲傷於世間 欲求寂滅者 衆好甚明曜
寂如梵天王 大智慧普備 爲世天人師

轉眾生以善 練塵勞離惡 晝夜增諸善
如月之初生 每長養眾善 德稱弘廣普
在家時已解 況其捨家後 乃往古自誓
當爲塵勞戰 愍諸貧賤者 誓充其所願
佛以平等心 食不却疎惡 亦無所專著
於精細美味 惠施難放捨 人所不能者
不受取於人 亦不求利益 相好大名稱
自然如響應 廣採眾善意 決定於善聽
故現相姿好 見者三垢滅 發言成法律
長益眾生善 以行忍相明 與塵勞爲怨

佛和合經卷七

佛和合經卷七

二

三

積功德無量 不免於無常 所生積衆德
受報無有限 決定得正道 如薪盡火滅
示衆生善道 伐盡塵勞林 制御於一切
生死縛著者 捨八勝五趣 覩見於三趣
伐三審蓋三 因得淨三眼 隱一覺知一
速一至重七 散令無有餘 乃誓於無礙
以甘露充世 言辭斷瞋恚 用善染衆生
世間難悟者 無植衆善本 不施惡於人
建立正法幢 於一切世間 鹿野轉法輪
普喜悅世間 成就諸解脫 淨諸自愛者

見所未曾見 善與清淨合 覺諸難覺事
諸未曾覺法 告世以無常 所生輒有苦
告世以無我 無彼長迷惑 建立法幢旛
壞破貢高山 猶如七寶柱 於祠祀中崩
面毀不懷恨 不悅於嘆譽 厭生受天福
方便求不生 自度生死海 又度脫一切
自以慧逮覺 又覺悟衆生 如覺時潤雲
如山林藪萃 脫見如日出 又授以正見
雖生於世間 不染於世事 涉世之險路
不同其所趣 心未曾犯非 得善道尚滅

佛名行狀卷一

三

三

經
佛行經卷七
三世
普世遭艱難 無恃怙可傷 愚癡蔽其眼
終無所顧慮 不思設方便 求出生死要
生老病死苦 迫世間無免 唯佛能救苦
授之以甘露 往昔天魔兵 不能勝天師
自然無常力 無常忽勝之 世尊耳所聽
三千世界聲 神足然昇降 乃至梵居天
覺衆生心念 下至無擇獄 諸生死起滅
悉審諦見了 天師從始生 轉輪所周更
諦憶如面見 盡生死漏源 具足六通慧
備悉覺決定 今盡罷捨置 棄身餘壽行

世愛流生死 誰說法令息 世俗愚無智
誰當覺慧滅 猶如車無御 江海船失師
篤病離良醫 如何當自持 如言離誠信
無覺意求智 王者失容飾 行善不忍辱
已離是四事 其功不顯現 今佛捨世間
無濟難成事 如夏五六月 清淨無風雲
亢陽相薄燒 乃至諸蟲物 衆生應度者
今當普遭難 世尊捨壽命 何一甚苦痛
時天懷悲心 慈悲說是辭 姪怒癡薄故
歎師毀生死 弟子未脫者 悲痛號啼哭

已得解脫者 諦計與衰數 聲流聞諸國
拘夷諸力士 悲勇速馳赴 集詣雙樹林
哀勇自投躄 種種嘆佛德 其聲甚悲痛
如群鵠遇鷹 到見佛無光 寂滅巨復覺
同聲悲涕抖 宛轉如旱魚 見佛奄然臥
支體皆展直 猶轉輪王崩 諸國靡不號
人民無尺數 出城詣佛所 諸男女長幼
懷悲毒狂亂 或掣裂衣裳 痛感口自嚙
或自拔頭髮 肥顰壞面目 又復無數人
懊惱自投擲 椎骨向天號 嘆佛德無量

嗚呼天人師 衆生所仰賴 相捨棄何疾
永絕無復望 大眾悲啼哭 各盡所堪任
諸力士之王 毒痛號嘆言 覺法悟世師
已臥不復起 猶如大軍罷 大幢不復現
所辦事已辦 應覺佛已覺 於世猶如眼
今奄然長眠 佛是度苦橋 以濟駛流江
大橋卒破壞 因何度苦痛 佛慧光照曜
心明精進躄 昔佛日現輝 令天地普明
今便隱光潛 無爲之大山 世間便當還
奄入長衰冥 或悲號護語 或懷悶熟視

或有盡聲哭	或有面掩地	衆生懷惱毒
啼哭形不同	莫不懷戀慕	疼痛心湯灼
於是七寶校	象牙之輦輦	諸力士舉佛
擊置寶輿上	華香之雜珍	種種衆奇妙
諸力士號哭	供養佛舍利	諸貴姓少女
體腕手柔弱	執持七寶帳	微妙妙天繒
明珠校寶蓋	或持寶垂珠	或捉寶拂扇
供養佛舍利	諸力士擊輿	啼哭眼皆赤
空中雷震聲	稱耳悅意樂	天散諸意羣
如淋雨	諸天墮率地	鮮明始如敷

諸天塞虛空	衆寶供養佛	暢發悲楚辭
追嘆佛功德	諸執樂神女	灑栴檀香汁
散瓔珞寶衣	供養佛舍利	諸力士擊輿
攜至城中央	天人恭敬禮	追慕而啼哭
繪綵寶幢旛	嚴飾其城郭	華香及妓樂
供養尊舍利	供養擊寶輿	從城西門出
至城西便度	寶底流江水	上於甘樹下
以種種香木	積爲大薪積	及若干種香
若干種華香	及種種澤香	各各秉炬火
欲燒佛薪積	三燒佛薪積	火終不肯然

佛本行經卷七

三十一

卷七

佛本行經卷七

三十一

衆人咸懷疑 不知其緣故 大迦葉不遠
懷慈往見佛 時火以是故 共吹終不然
時迦葉速至 禮敬佛積已 於是佛薪積
卽時自然然 塵埃不損佛 今爲火所然
肌體雖然盡 骨如故不焦 爾時諸力士
以乳澆滅火 以香湯洗骨 金瓶盛舍利
猶往昔天帝 欲燒金剛山 以其功德大
故火不能燒 今以大熾火 不能燒佛骨
諸力士展轉 說此喻相謂 四等心所生
滅除姪欲火 尊骨寂清涼 我等心焦然

諸天神力士 不能勝佛身 忽今遭無常
我以能擔行 佛力強無比 聲流聞十方
如何便恍惚 盛之在金甕 佛輝耀喻日
未曾以貢高 遭遇無常火 唯留其神骨
以金剛慧杵 壞塵勞強山 遭苦不捨忍
心堅定不動 斷盡諸苦本 滅不更受身
如是之妙體 永終於火中 力士每所至
力伏令人啼 人來歸伏者 能慰沃使悅
假其遭艱難 持力未曾泣 念慈敬佛德
啼哭擔舍利 力強勇武備 志精懷自大

啼哭還入城 意謙除貢高 旛蓋校大殿
施七寶高座 舍利置其上 一切禮供養

八王分舍利品第二十一

諸力士悲感 在於王殿上 供養尊舍利
如是至數日 隣側七國王 時各尋遣使
皆共同一時 而會至城下 各通其王命
諸力士相聞 皆陳其敬意 求得舍利分
諸力士答言 佛於我國滅 自供養舍利
不能以相與 爾時諸國使 相聞至數反
力士擊舍利 又恃其力強 使不肯還返

當遣以威力 意各齋貢高 無心分舍利
諸使還返命 諸王各起意 尋卽興師衆
風發至其城 以無數軍衆 圍遶力士城
軍來趣其城 如淋雨暴水 人民入城邸
莫不懷恐怖 人衆甚繁多 城中不能容
七國王軍衆 象吼馬鳴聲 震動其城郭
人民戰如波 於是七王軍 各於其部分
精練甚壯勇 戰士及象馬 於是諸國王
任力各嚴辦 四種之戰陣 象馬車步兵
力士亦嚴施 城上拒戰具 修治其地壘

經

佛行經卷七

七

七

卷七

佛行經卷七

七

七

杜塞諸城門 卽便皆建立 軍陣大行旗
國內諸細民 莫不懷恐怖 於時七國王
計議同一心 各與無數衆 器甲精銳備
猶如七星宿 同夜俱出現 七王之兵衆
俱時到城下 大衆起黃塵 全塞人衆眼
殂象之氣臭 塞鼻不得息 鼓角吹貝聲
塞耳無所聞 婦女諸幼小 惶怖皆失色
對敵火攻具 消銅鐵爲湯 皆貫冑被甲
當仗嚴進戰 象馬皆被甲 整陣當對戰
力士沒體命 不圖分舍利 城裏皆令催

執杖上城戰 諸力士齊心 決定戰不退
皆立於城上 樓櫓却敵間 看城外諸王
軍衆無央數 軍奮作威勢 同時大叫呼
一時大叫呼 聲響震天地 拔劍而擲弄
晃昱曜天日 或有跳勇走 捷疾欲向城
外軍見力士 嚴備自束帶 決定欲對戰
殊無退却意 各與其妻息 辭別當進戰
諸戰士妻息 懷怖心驚波 又有父母者
心愛戀其子 見子被甲鎧 欲出詣戰場
垂泣皆啼哭 呪樹諸神祇 子見父母悲

心皆懷遺疑 或有諸婦女 嘿然懷愁悶
或持夫弓箭 啼遮不令戰 見妻子啼哭
心猛銳果敢 掣奪取弓箭 必欲戰不疑
諸力士自恃 意決必欲戰 如藏虺在器
懷怒毒熾盛 心意皆決定 必欲戰不疑
七王亦嚴辦 對陣垂當戰 皆以素嚴辦
四部之兵衆 象兵及馬兵 車步之兵衆
有貴姓梵志 厥名香草性 性博慧篤慈
諭諫諸王言 觀諸王威勢 利器劔戟備
欲伏強力敵 滅盡形勢命 居城自守者

不易可得勝 力士得城內 皆共同一心
如今重圍閉 意必欲獲勝 唯願諸大王
幸回隆盛威 省其城中者 尊善調良者
諸王皆共悉 何辜橫加惱 以方所鬪者
必果不獨勝 或時墮圍者 方便勝外敵
毒虺自濟命 入穴藏其形 無辜手探者
毒螫或死傷 自覺有威勢 能震彼令恐
集聚入城藏 堅固修守備 雖素力薄弱
入城成大力 如燈火垂滅 得膏薪還熾
若其城中者 或具神真者 以其戒德重

外敵自壞散 猶昔重怨王 用兵力竭盡
清明王有德 勝外強怨敵 往過去諸王
以力廣土地 欲以恣其情 馳名至于外
王食祿忽過 如牛飲冰水 諸王盡過去
國土地續存 是故當熟思 世間正真理
設方便和同 得舍利爲貴 以矢力勝怨
生讎逆返追 以和順取勝 終已不起返
唯所言愚鄙 誠無可採納 諸王力盛強
能消伏微敵 如所敬尊師 奉法者爲上
今宜追念師 受行忍辱教 爾時彼梵志

盡其體所知 和順正真言 慈心諫諸王
皆回降諸王 隆盛猛銳心 於是諸王便
順辭答梵志 所言得時宜 和順知方便
今所說善理 篤奮存終始 汝當審吾等
心悟善法力 心之所欲求 不勞恣世俗
或以願以力 或以忿恚恨 已諍今鬪者
兩當對戰者 如我等今意 純求以佛德
執杖求舍利 不貪國財寶 往古烈力士
眞高答自大 戰諍於仙林 死傷難訾計
佛布教世間 除勞滅自大 如何不爲佛

經
佛之有難
三

受危脆命爲 往古諸帝王 迷惑賢女色
興師相討伐 諸王死無數 佛教戒世間
滅除貪婬意 而我不爲佛 愛危脆命爲
往日有兄弟 愚嫉興嫌諍 還共相傷殺
令盡無有餘 佛興顯於世 滅除愚嫉心
如何不爲佛 惜命而不戰 昔手臂力士
挾嫌結瞋恚 便執持武略 欲盡諸王種
佛出於世間 能除盡恚害 我等爲佛故
愛此軀命爲 昔者拳上子 號曰十頭神
堅固著色欲 緣喪没身命 佛出於世間

解一切縛著 我等爲佛故 著此身命爲
往昔諸愚人 以癡諍水蟲 以其愚癡盛
求直相殺害 佛興出於世 除一切愚癡
我等爲佛故 愚愛是身爲 古來愚不達
所諍諸臭穢 無有一堅要 相害不可計
佛出除世患 吾身爲佛故 當與閻羅鬪
豈當擬世戰 吾等心堅正 終不疑於戰
勞仁使入城 至誠力士所 盡意設方便
陳吾等至意 其委仰於仁 必令一對戰
吾等錯利入 尅意當交戰 聞仁說善法

正真之言辭 內心卽退滅 瞋恚之惡毒
猶如虺被呪 毒害滅無餘 爾時其梵志
承諸王教命 便卽行入城 至諸力士所
欲見諸力士 貴重有勢者 便以謙恪意
宣諸王教命 城外諸王兵 皆各嚴當仗
貫冑被寶甲 皓皓曜天日 發心欲同聲
以盡其武力 意勇如師子 張日向城看
摩拭豫嚴張 金寶錯塗弓 意勇無疲極
晝夜不脫鎧 卒發心憶念 佛之慈明法
勞以義相讓 不疑畏戰鬪 不以諍土地

來至此城下 不自大貪恪 不以瞋嫌來
敬佛功德故 來到汝此耳 客以善義來
主人宜敬待 佛爲一切師 吾等同敬事
欲供養舍利 故來至此城 共爲法兄弟
幸可分舍利 廣可令衆生 各各得供養
慳惜財寶者 是不爲穢恥 慳恪善法者
是乃爲愧恥 愛恪之爲物 必有醜穢名
除慳施善者 聖賢之所歎 仁等若執意
不與舍利者 今便可出城 與客共捐力
居城依門扇 不執杖出戰 是則不爲王

非貴非勇士 城外諸王意 如向來所說
彼俱有善心 等義示二家 又別有私意
欲與向仁等 幸小垂聽採 請說正眞法
唯仁等莫必 專意欲求戰 古來戰諍中
無善義無利 佛天師每嘆 忍辱得第一
今諸仁何故 熾然怒求戰 若忿諍六欲
若諍實財貨 若以此戰諍 事理猶可通
以福德之故 是善法嘆譽 若與諍爲怨
是義當審思 無以普慈心 和調安隱性
佛天師道教 當慈加衆生 廣殺害衆生

而行敬事佛 終無有利義 是事不宜爾
仁等宜開意 分諸王舍利 善法當流布
因此爲無始 若能爲是者 則無復戰諍
可逮二善義 福德及名稱 其有專已見
離正入邪道 善入盡方便 當牽入正路
諸王設方便 欲廣建善法 欲普導世間
牽至天人道 世尊每嘆譽 衆施法最善
所至則爲師 天人之所嘆 普觀諸世間
財施者不少 以法惠施者 時有或無有
法施名稱博 廣安隱世間 是諸力士衆

聞是善法言 心內竊懷慚 嘿然熟相視
以謙愛敬辭 而謂梵志言 仁乃善方便
加愛敬於衆 爲梵志不妄 勤建立著善
能降下我等 善行者道中 猶御不調馬
不令入戰中 便可相從意 如師所開示
愛厚篤敬信 我等可用耳 忽捨忠恕言
正直善諫者 事敗遇艱難 後追悔無及
卽時以金甕 分量尊舍利 別以爲八分
安諦一平等 於是諸力士 從中取一分
致其餘七分 送與七國王 爾時諸力士

上賓待諸王 諸王得舍利 悲喜各歸國
於是七國王 各各自於國 興師建神塔
高乃至雲際 梵志草香性 欲已聚起塔
便從諸力士 乞量舍利甕 界內貴梵志
乞佛積灰炭 皆共收拾聚 恭敬立神塔
諸王初造起 以舍利神塔 於閻浮提地
巍巍德如山 梵志所建立 金甕塔第九
佛積灰炭塔 滿十妙巍巍 無央數諸天
諸王明梵志 各晝夜精勤 歌歎禮佛塔
華香寶旛蓋 表顯供養塔 校飾其妙好

如香熏山巖 憐側諸國邑 無央數人集
或喜悲啼哭 禮事敬神塔 皆共追戀慕
憶念佛功德 辛酸悲楚毒 永逝一何劇
以善施世間 衆生所恃賴 迷失路者導
重病者良醫 寒者之春陽 早熟者涼池
三界之覆蓋 忽便寂然滅 三界失覆蓋
無恃可痛憐 當迷失正路 墮邪遭艱難
世失正傾邪 流入三惡趣 世誰有大力
能制令還者 世間諸衆生 愚癡蔽其眼
貪姪瞋恚火 之所見燒然 一切世衆生

嬰塵勞重病 世尊普慈心 爲三界良醫
佛日盛光明 始出現世時 普奮大光明
照三千世界 普開敷世間 天人芙蓉華
猶如諸池華 蒙日光而開 諸天世人民
及諸大國王 悲泣追嘆慕 向塔詠佛德
唯世大覆護 第一慈悲師 忽孤棄衆生
一何甚速疾 佛日之光明 忽然而潛入
愚霧彌覆世 當何從見明 誰當導衆生
示以正諦路 使至泥洹城 寂靜無恐懼
時密跡力士 廣爲諸天人 以次說是法

宣佛本行德 諸天聞所說 悚然衣毛豎
思惟所說理 追尋佛功德 所積衆善本
無限無有量 難從計數劫 善行之積聚
行六度無極 大海淵之池 衆寶德相慧
充滿甚盈溢 今此賢劫中 所興千菩薩
假令諸羅漢 慧如舍利弗 壽劫嘆佛德
不能令終竟 況吾智淺末 限陳所見聞
時諸會天人 聞其所說法 心中忽明悟
意如面見佛 皆共懷悲感 惻愴追慕佛
願志大乘意 寫情心專固 稽首歸命佛

忽然各飛去


佛本行經卷第七

音釋

耀弋笑切 黠黠黠乙感切 黠徒感 灑居大辟必歷
也照也 肥肥步巴切 肥肥也 譏倪制 髡玄莖切 邱長
典禮切 殂叢租切 舍也 死也

桐城淨渡居士吳用先施費刻此
佛本行經卷七 詩字八千一百四十該銀三
兩七錢六分七厘
天啟歲次乙丑季冬吉日徑山化城寺識





60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9